



LETTRE

D'VN GENTIL-HOMME,

Escrite de Paris, à vn Prouençal;

Sur les Affaires du Temps.

M

ON SIEVR,

LES affaires du Palais Royal sont tousiours en mesme estat; elles sont aussi broüillées qu'elles estoient il y a six semaines, lors que ie vous écriuis la Retraite de Monsieur le Prince à Saint Maur, qui surprit d'estonnement tout le monde. On dit icy qu'il ne fait pas toutes les aduances que l'on pourroit souhaitter pour s'accommoder avec la Reyne; On esperoit de l'entreueüe de leurs Majestez & de luy, quelque chose de plus que ce qui a paru dans le public; On croyoit que les frequentes visites du Luxembourg, & les Assemblées du Parlement, changeroient la face du Theâtre, & qu'elles met-

troient fin à nos Diuisions, én nous apportant l'union de toutes choses. Mais le bruit de Paris est grand depuis peu de jours, Que la Reyne veut establir vn Conseil, sans la participation & l'agrement de Son Altesse Royale, & de Monsieur le Prince. Il y en a qui passent outre, & qui assurent qu'Onde-dei, Partisant & Domestique du Cardinal Mazarin, est arriué en cette Ville, trauesty, avec des Ordres particuliers, & des Conseils secrets, touchant, entr'autres choses, la promotion de Monsieur de Chasteau-Neuf au Premier Ministere, & celle de Monsieur le Premier President, aux Seaux. Ie me suis trouué en lieu de nouuelles, où j'ay aussi appris de Gens de consideration, Qu'il y auoit vn Ordre en chiffre, pour faire violence sur la personne de Monsieur le Prince, le jour de la Feste, qu'il disoit estre celuy du Sacre; ce qui m'a fait souuenir de l'emprisonnement de Messieurs de Broussel & de Blanc-Menil, la journée du *Te Deum* de la Bataille de Lens; comme si les réjoüissances & les largesses des jours de triomphe de ce Cardinal, ne deuoient estre iamais que violences, attentats & mas-sacrés; Tous ces bruits là ne font qu'augmenter la deffiance de Monsieur le Prince, au lieu que la sincerité & la bonne foy la pourroient dissiper. Ce que ie sçay de certain (Mon cher Amy) est que le Cardinal agit de Cologne dans les Conseils du Roy

comme fil estoit à Paris. Vous m'auez tesmoigné que vous seriez bien aise de voir la Ceremonie de la Majorité, qui sera le 6. de Septembre, ie vous offre de tout mon cœur mon logis, souhaittant bien que vous y vissiez aussi celle des Estats. Son Alt. Royale & Monsieur le Prince, pressent fort la Reyne de les tenir à Paris; Tout le monde croit que ce seroit le seul moyen, apres tant d'autres, de trouuer des expedients à tout, & cependant de continuer le Parlement; car nous nous imaginons que ce seroit vn grand point pour la seureté de Son Altesse Royale, & de Monsieur le Prince: On apprehende fort que ces nouueaux Ministres ne l'empeschent pour complaire à la Reyne. Je suis,

MONSIEVR,

Vostre tres-humble & obeïssant
Seruiteur M. L. N. A.

La suscription estoit,

À MONSIEVR,

*Monsieur Bon-Fils, Chanoine en la grande
Eglise d'Aix, en Prouence.*

comme il étoit à Paris. Vous m'avez rassuré
qu'il étoit bien aisé de voir la Cérémonie de la
Maison, car la loi de septembre, je vous offre
de tout mon cœur mon legs, formant bien que
vous y viriez aussi celle des États. Son Altesse Ro-
yale Monsieur le Prince, présent soit la Reine de
les révoquer. Pour le monde croit que ce seroit
le seul moyen, après tant d'autres, de trouver des
expédients à tout, & cependant de continuer le
Parlement, car nous nous imaginons que ce seroit
un grand point pour la suite de Son Altesse Ro-
yale & de Monsieur le Prince: On approche de
fort que ces nouvelles Ministres ne l'empêchent
pour compléter la Reine. Le Roi.

MONSIEUR

Votre très humble & obéissant
Serviteur M. L. N. A.

La signature est

MONSIEUR

Monsieur Jean-Fr. Chénier en la grande
Loge de Saint Jean